

黔記卷五十六目錄

宣慰列傳

宣慰安氏

濟火

昔露

阿畫

安貴榮

宣慰宋氏

宋景陽

阿珮

普貴

靄翠

同知安氏

宋萬明

宋永高

宋阿重

宋欽

宋誠

宋斌

宋昂

陳炫

陳



宣慰使

宣慰使

新記卷

宣慰使之官始於唐元和置淄青兗豫等州宣撫使後始

置宣慰使大率藩方不靖則遣重臣宣諭慰安之故有宣

慰使之名宋置宣諭使以宣諭德意為職而已不與軍事

無宣慰官元沿唐制置宣慰使副使斷事官經歷知事等

宣慰使之官始於唐元和置淄青兗豫等州宣撫使後始

置宣慰使大率藩方不靖則遣重臣宣諭慰安之故有宣

慰使之名宋置宣諭使以宣諭德意為職而已不與軍事

無宣慰官元沿唐制置宣慰使副使斷事官經歷知事等

宣慰使之官始於唐元和置淄青兗豫等州宣撫使後始

負於順元路我 明因之洪武初 高皇帝勅曰天生一代之君必成一代之治自古以來莫不皆然而其間治有隆污政有得失亦由人君善用人與不善用人之所致也朕承大統之後矧今既爲天子而肯私以怨惡加於人邪故用人盡忠於國者雖讎必賞朕仰遵成憲俯察輿情推至公之心廣仁厚之化嘉惠海內子育元元欲比隆前規以臻至治爾天下土官遵守朕訓各盡乃心毋妄懷疑以速咎矣則可以共保富貴於無窮國初土官就彼襲替嘉靖三十三年議准雲貴土官應令照品納米撫按查明具

奏就襲替萬曆九年題准停止雲貴土官輸納事例凡土司告襲所司作速勘明具呈撫按覈實批允布政司卽爲代奏該部題選填憑轉給就彼冠帶襲職有願赴京親裝者聽其效忠進獻馴象土物并疏奏聞撫按仍設告襲文簿將土舍告襲藩司代奏日期登記明白年終彙報備考貴州名腹裏土官遇三年一朝覲差人進貢一次俱本布政司給文起送限本年十二月終到京慶賀限 聖節以前謝 恩無常期貢物不等萬曆初定貴州朝貢二官貴州宣慰司金筑安撫司程番長官司木瓜長官司方番長

官司廬山長官司清平衛凱里安撫司養龍底寨垂西水
東西長官司白納小平伐二長官司青山中曹龍里劄佐
四長官司都勻府歸化上下二牌頭臥龍小龍大龍韋番
四長官司廬番洪番金石三長官司羅番上馬小程二長
官司小平伐麻嚮貴竹三長官司其回賜貴州宣慰使賜錦
二段綵段六表裏貴州差來舍人鈔二百五十錠二表裏
把事十五錠一表裏通事十錠絹一疋頭目從人賞鈔如
例凡謝恩差來人與雜職當同貴州土官減鈔二十錠隨
來通把從人給鈔如朝覲例凡慶賀貴州差來舍人賞鈔
五十錠綵段二表裏把事鈔十五錠綵段一表裏通事從
人鈔如朝覲例

蟪蛄生曰環貴州而居者本國初有四宣慰安宋田楊皆
豪族也永樂間田誅於閩裂而爲思石鎮銅八郡萬曆間
楊磔於逆裂而爲遵義平越二郡卽宋連於楊幾波及而
尾全安氏上疏討賊執劉自効歷千年而獨存嗟夫其亡
也必有所以亡其存也必有所以存不樂其亡而存其存
安宋子孫其務日兢兢與五國相終始殷鑒不遠覆車在
前戒之哉戒之哉

宣慰安氏

安氏之先濟火者蜀漢時佐丞相亮荆山通道擒孟獲有功封羅甸國王唐阿珮宋普貴元阿畫皆以歷代開國時納土襲爵居水西號大鬼主霽翠仕元四川行省左丞兼順元宣慰使 皇明洪武初歸附五年授懷遠將軍世襲宣慰使霽翠故弟安的襲十四年授亞中大夫其後遂以安爲姓的故弟安卜葩襲永樂二年授懷遠將軍卜葩老不安納洪襲故子彬楫幼從父安中借職故彬楫亦故從父安聚襲故竝絕從子安隴富襲安富故子觀襲故子貴榮襲尋致仕子安佐襲故貴榮復任正德間加授布政司右叅政貴榮故系萬鍾襲被賊殺死弟萬鎰襲故子仁幼弟萬銓襲尋 奏還仁襲故子國亨幼萬銓仍攝事尋還國亨襲隆慶二年以擅兵讎殺 奏革冠帶萬曆九年勘復二十一年故子疆臣襲

漢

濟火

濟火爲牂柯帥一名濟濟火善撫其衆聞諸葛武侯南征通道積糧以迎武侯大悅遂命爲先鋒贊武侯以平西南

夷擒孟獲及歸克普里狃徠民所與爭雄者拓其境土昭烈封爲羅甸王卽今安氏遠祖

唐

素阿珮

阿珮開成元年爲羅甸君主率土內屬會昌中封爲羅甸王世襲爵

普露

普露爲昆明大鬼主羅甸國王當亂世知慕中國率其九部爲入貢

宋

普貴

普貴濟火齋一名字歸五代宋爲羅甸國王宋太祖開寶中招降西南夷以詔書諭普貴曰予以義正邦業夏變躬罔不率服惟爾貴州遠在要荒先王之制要服者來貢荒服者來享不貢有攻伐之兵征討之典予往年爲扶播南楊氏之弱勞我王師罪人斯得想亦聞之有司因請進兵爾上懲問不貢予曰遠人不服則脩文德以來之窮兵黷武予所不忍尋乃班師近得爾父子狀知欲向化乃布茲

文告之爾若挈土來庭爵土人民世守如舊予不食言故
茲制旨想宜知悉普貴遂納土歸順仍賜王爵以鎮一方

元

阿畫

阿畫一名阿拂普貴之後至大元年授武略將軍順元等
處軍民宣撫使襲帶原降虎符泰定間賜名帖木兒卜花
陞中奉大夫護國侍衛親軍都指揮八番沿邊宣慰使至
順元年加授資善大夫雲南行省左丞後以征伐有功授
昭勇大將軍佩三珠虎符順元八番等處軍民宣慰使加
龍虎大將軍封順元郡羅甸侯卒贈濟國公

大明

白無霸翠

霸翠阿畫之後仕元為四川行中書省左丞兼順元等處
宣慰使洪武四年與其同知宋欽歸附高皇帝以霸翠
為貴州宣慰使欽為宣慰同知得各統所部而霸翠兵備
強盛分四十八部每部以大頭目領之五年八月霸翠上
言部落有隴居反側不從命由霸翠所激謂大都督府臣曰蠻
上以隴居反側不從命由霸翠所激謂大都督府臣曰蠻

夷多詐不足信也中國之兵豈外夷報怨之具邪宜遣使
諭蠻中守將慎守邊境靄翠所請不從將啓邊釁宜預防
之時都督馬燁鎮守貴州以殺戮懾羅夷羅夷畏之號閩
王靄翠死妻奢香代立燁欲盡滅諸羅郡縣之會奢香有
小罪當勘燁械致奢香裸撻之欲以激怒諸羅爲兵釁諸
羅果勃勃欲反時宋欽亦死其妻劉氏多智謂奢香部羅
曰無譁吾爲汝訴天子天子不聽反未晚也諸羅乃已劉
氏遂颺馳見 太祖白事 太祖召訊之劉氏對曰羅夷
服義貢馬七八年非有罪馬都督無故騷屑恐一旦棄弗

及謂妾等不敢昧死以聞 太祖然之還宮以語高后

且曰朕固知馬燁忠潔無他腸第何惜借一人以安一隅
命 高后召劉氏宮中訊之曰汝能爲我召奢香乎劉氏
曰能卽折簡奢香令速入見奢香遂與其子婦奢助颺馳
見 太祖自陳世家中上功及馬燁罪狀 太祖曰汝等
誠苦馬都督乎吾將爲汝除之然汝何以報我奢香叩頭
曰若蒙 聖恩當令子孫世世戢羅夷不敢生事 太祖
曰此汝常職何言報也奢香曰貴州東北間道可入蜀便
塞久矣願爲 陛下刊山開驛傳以供往來 太祖許之

乃召燁入朝議事燁初不知所以既出境乃知之太恨曰
 孰謂馬關王乃為二妮子坑邪悔不根雞楮為血海也既
 入見太祖數其罪狀燁一無所答第曰臣自分死久矣
 太祖怒立斬之以其頭示奢香曰吾為汝忍心除害奢香
 等叩頭謝乃封奢香順德夫人劉氏明德夫人 高后賜
 宴謹身殿遣歸賞賚甚厚命所過有司皆陳兵耀之奢香
 既歸以威德宣諭羅夷羅夷皆帖然服奢香乃開赤水為
 徽道以通烏蒙立龍場九驛馬匹廩餼世世辦焉
 續衣生曰貴州初附馬燁以嚴治貴號曰關王無何死於
 法永樂初有顧成者守貴州脩燁故事諸羅畏之號曰虎
 然成以靖難功眷任特厚不疑所行噫燁殆數奇不幸耳

安貴榮

安貴榮者霽翠之孫也奢香死霽翠弟安勻立子孫遂以
 安為姓世驕蹇不受節制即聽調從征非微厚賞不赴所
 過村落殺掠無唯類者貴榮多智略善兵以從征香爐山
 加貴州布政司參政猶快快薄之乃奏乞減龍場諸驛以
 償其功事下督府勘議時兵部主事王文成公以建言譴
 謫龍場驛丞貴榮甚敬禮之文成乃貽書貴榮語具文成

傳貴榮得書稍斂戢貴榮死子萬鈞立淫酗嗜殺其下怨
之一日集督府督府未衙候於外次忽賊刃萬鈞頭去一
城闕然督府索賊竟不得亂五六年不定其弟萬銓廉知
上目烏掛所弑撲殺之誅其從者百餘人遂自立督府置
不理

蠟衣生曰田豫陽氏謂羅鬼慙而戀主與他夷異即暴不
怨他強族不得代故不易姓彼上世未有姓惡云易不易
即安姓自本朝始耳讀史至蛇節阿闕安聚隴富斷續之
際安云不易田公未之考耳

宣慰宋氏

沙溪士人洪武四年歸附開設宣慰司授沙溪世襲同知
沙傳子安璧璧傳子安武武子安瑛幼弟安美立借襲老
還瑛襲瑛傳子安盛無嗣從子安邦襲無嗣弟安約襲傳
子安靖無嗣弟安方襲無嗣弟安繼息襲傳子安然然傳
子安守貞無嗣該弟安國孝未襲故男安文未襲亦故男
永忠聽襲亦故今大順襲

宣慰宋氏

宋氏之先出真定府人宋開寶八年宋景陽為大萬谷樂

都總管子孫世爵茲土景陽七世孫萬明萬明曾孫永高
永高五世孫阿重俱有聲宋元阿重孫宋欽前元宣命鎮
國上將軍洪武四年開設貴州宣慰司五年授懷遠將軍
宣慰使九年子誠襲征剽垂西有功授亞中大夫傳五世
孫然絕從子仁襲亦絕弟儲襲傳八世孫天爵故絕以族
叔鎬襲因患目無嗣從子德隆襲故絕弟德懋德賢俱勿
嘉靖三十八年以族兄一清代管地方萬曆二年還德懋
襲絕十年德賢襲故子承恩襲承恩聘逆酋楊應龍女爲
妻未婚酋擄去不殺酋滅承恩以未婚故得不死仍使復

宋

宋景陽

宋景陽真定人開寶八年廣右諸蠻作亂詔景陽率師征
之悉定廣右復進兵都雲等處西南以平詔建總管府于
大萬谷樂等處授景陽寧遠軍節度使都總管以鎮之景
陽撫綏勞來甚得遠人心而柳州慶遠民多歸附其蘇趙
周高蘭蔡南容七姓者舉族附焉卒贈太尉謚忠成子孫
世爵茲土今宣慰宋氏其裔也

宋萬明

宋萬明景陽七世孫性端重有勇略屢授總管乾道丙戌西南蠻亂左衛將軍王益與萬明討平之加經略安撫都總管

宋永高

宋永高萬明曾孫亦以屢拜官嘉定庚午詔永高招撫南夷以功陞貴州經略安撫鎮南都總管

元

宋阿重

宋阿重永高玄孫也九齡而孤部族分散及長即以先業為己任世祖至元十二年西蜀南詔平阿重仗劍來歸燕賞優渥拜同知安撫使尋遷武略將軍安撫使大德辛丑轉明威將軍同知順元安撫使佩三珠金虎符俾于貴州置順元等處宣撫司始革大萬谷樂總管府甲辰其叔隆濟結諸蠻為亂阿重棄家朝京陳其事宜命湖廣河南四川三省守臣劉二拔都會雲南省兵討之久而未平河重躬提所部直擣其陣擒以獻闕陞懷遠大將軍順元等處軍民宣慰使尋加昭毅大將軍靖江路總管佩三珠金虎

符榮祿大夫半章政事柱國順元侯疾卒贈貴國公諡忠宣

大明

宋欽

宋欽阿重孫舊名蒙古歹元時以平寇保境功授昭勇將軍八番順元等處宣慰使都元帥加鎮國大將軍兼四川等處行中書省叅知政事洪武初同竊翠歸附賜今名授懷遠將軍世襲宣慰使有善政妻劉氏洪武間因地方初附民物凋瘵累歲逋賦而有司催科不少假貸民不堪命

劉氏赴京以其情聞免之命宴于謹身殿賜珠冠金帶綵段白金楮錠時奢香爲帥臣所挫其下欲動上命劉氏召之香遂因劉赴京納款地方以安進封夫人

宋誠

宋誠欽之子洪武十年嗣宣慰使賜三品冠服十五年入朝太祖嘉其忠謹授亞中大夫親御宸翰制詔文予之曰黔中之地諸夷雜處漢姓同居禦其方者非德足以化頑勇足以捍侮則官守不宜况歷代命世守者必初從之義篤竭忠勤之不辭方膺是任如或不然曷能居其

地馭其民爾誠之父當朕命將西南經理斯上首以義從
固膺是任永保世祿今命爾襲父前勲當撫恤諸夷選廉
禦侮以安是方則于爾嘉

宋斌

宋斌永樂間守職恬澹政尚清靜號淡齋

宋昂 弟昱

宋昂襲宣慰使好學攻文守廉持儉愛民禮士苗有弄兵
者昂必自咎于政不加誅責以故政治旁洽邊鄙輯和又
多收致經史以崇文教弟昱性穎敏恬靜多學詩格清麗

操行雅飭所著有聯芳文集

附昂詩獅峰秋色獅峰越絕鎮炎方粧點秋容接混茫

萬仞層崖涵積翠一林寒葉醉清霜嵐光掩映歸鴉障

曙色喜微起鴈行正是行人分手處桂花香滿薜蘿裳

○答越存古歸歎何必思凄然瘦馬頻嘶穩著鞭採藥

難尋蓬島路垂綸却憶鑑湖船遠林啼鳥笙歌沸小店

繁華錦繡連珍重故人憐契闊迢迢雙鯉寄華箋○秋

江送別楊知事江水澄清樹葉丹臨岐人送栢臺官十

年幃帳參機務一旦雲霄振羽翰風靜洞庭高浪遠月

明揚子暮湖寒京華到日春光好花柳無邊馬上看○
送趙遜敏東歸琴鶴先生樂自然故山歸去白雲邊柴
門柳憶陶元亮玉洞人迎葛稚川行色蒼茫林影外離
情蕭索酒杯前欲知別後相思意踈柳寒梅鎖暮煙
豈詩○憶舊遊記得曾遊蜀路時兩川人物盡相知
騷共訪揚雄宅攜酒同登杜甫祠夜月樓臺飛逸興春
風花柳入新詩於今回首真成夢獨立蒼苔有所思○
送汪公子還嘉禾城上棲烏下女墻城邊行客醉垂觴
一尊風雨秋蕭瑟千里關河路渺茫鄉夢已隨雲去遠

離情空與日添長憑誰爲道南湖遠早晚還來理釣航

○秋日感懷秋氣淒淒靜掩門幽懷誰爲重溫存忘形

天地詩千首混跡蓬蒿酒一樽往事蕭條那可問舊交

零落不堪論舉頭欲問松喬去海濶山高宿霧昏○寄

趙樂閑先生歸去舊煙霞藜杖綸巾度歲華柳暗柴門

陶令宅苔封丹竈葛洪家笑談風月深傾酒消遣襟懷

謾煮茶○漫成豹隱林泉托聖朝小山叢桂不須招

身形只爲尋詩瘦髀肉多因跨馬消作賦總輸題柱客

看棋翻笑爛柯樵兒童更解攤書籍莫道齋居竟寂寥

宋炫

宋炫字廷采號鈍窩宣慰子也嘉靖初人頗能詩常題漁磯一絕云水光瀲灩接雲霞蕩漾扁舟泛水涯雲鎖空亭閑白晝兩行歸鴈夕陽斜煙霞常作畫圖看盡日磯頭意緒寬釣罷歸來天欲暮笑呼稚子接漁竿所著有桂軒拙稿按察使月湖楊武為序

黔記卷五十七目錄

故宣慰列傳

思南田氏

思國公田祐恭

田仁厚 子弘正

田仁智 子琛 族入田茂安 子宗鼎

播州楊氏

楊端

楊燦 子价价子文

楊邦憲

楊賽因不花 子嘉貞

楊鏗

楊昇

揚輝

田子

田子

田子

田子

田子

田子

黔記卷

卷五十七

宋故宣慰列傳

思南田氏

田媯姓世為京兆人昔武王封舜之後于陳春秋時陳公子完如齊子孫大食采于田而命氏厥後將有穰蓋相有千秋皆顯名于時自宋元來世有思州宗族著行自敘出

黔記卷之五十七

宋故宣慰列傳

大

自關中漢高帝徙齊諸田關中而巴蜀關中近地遂蔓延於此今婺川縣有齊地圖猶稱齊田云田氏至祐恭始昌歷宋元至永樂初亡裂其地爲思南思州黎平銅仁鎮遠石阡等八府

宋宣懷侯

思國公田祐恭

祐恭始祖田克昌唐人絕志宦遊從事商賈遂卜築於思州數傳安定思議能以恩威結服夷民爲大首領卽唐永隆年也所著鐘銘猶存宋興田正元以武勇聞慶曆八年

收溱南叛寇王貴子傳魯等田士儒子田定募勇而有謀授義軍兵馬使熙寧間被命廣源之亂元豐初討瀘南叛寇有言曰忘之義兵聚如雲散如鴉用備架之弩射無不中中無不死上曰神兵也累功加都指揮使贈武略郎子祐恭字子禮未受命間靖州失警甚急父當行阻疾弗克進祐恭曰諺有之養子防老代父而死無悔矣元符二年授練使正和二年黃陽洞酋冉萬花四族不軌犯黔州郡將陳括督祐恭討之乃收冉萬花俘楊文勝冉萬索萬朝路洗王等歸至郡城戮之特授成忠郎克思州邊

西巡檢五年統義兵策應瀘南解梅嶺堡圍轉忠訓郎繼而討晏州賊轉武翼郎六年幹理播州邊轉武節郎七年安定播州遏絕楊維聰之暴轉武翼大夫加榮州刺史八年救石泉軍至白沙寨退戎兵遷武節大夫凱還被召赴闕遷武德大夫重和元年築思州遷武功大夫宣和元年授瀘州兵馬鈐轄加忠州團練使再加貴州防禦使差充成都府路兵馬都監同管兩路巡檢利州往劄以母老乞免再充思州邊西巡檢建炎二年兼知夔川縣事以萬緡獻陞右武大夫王闢寇歸州圖入蜀祐恭統兵收玉關復收郫邑蜀賴以安紹興元年覃思遷中充大夫已而桑仲郭希叛於興山圖蜀祐恭復統兵破之遷正侍大夫轉五官紹興二年以保蜀勞加華州觀察使三年金人犯梁洋四川宣撫處置使張浚會集路將帥禦之祐恭被檄行無逗遛遷通侍大夫知思州軍州事七年賜重書金帶明年以母憂解官又明年起復仍領州事十一年以累功加邊郡承宣使又遷奉寧軍承宣使二十四年卒年八十贈正任保康軍承宣使子汝端襲守後以兩郊大禮贈開府儀同三司少師思國公

顯訓卷之五十一
古官是列傳
三
續衣生曰思州故有馬伏波祠志載田祐恭母夢馬來居
其宅及祐恭生祠不復靈祐恭卒若有見其歸馬祠者靈
如初而田氏之後日益昌熾至一國朝永樂初始奪其國
然迄今環思石間而屋者猶多田氏也豈其苗裔邪祐恭
墓一統志載在重慶府彭水縣夔川縣志載在本縣歸義
鄉西山未知孰是

附安少保爲田祐恭墓銘銘曰維思爲州實古黔中田
氏世領肇唐永隆有聞家聲刻銘在鐘傳逮正允當宋
熙豐夷亂剪寇庸元厥宗雲聚鴉散軍虓臣雄慶流三
世生少師公子禮其字諱曰祐恭孝不辭難代父匪躬
冉萬四族飲梁蝟蝮戮于藁街資公折衝解卜漏圍晏
州討兇安寧播城遏絕維聰鄉國連築白沙退戎擊走
郭希控桑仲鋒不一其書躡哉駿功再朝闕廷晉接春
容錫賜承宣贈開儀同踵冠三少剖符腰金治郡國域
祿厚爵隆策勳立業無愧始終少師之生勇氣貫虹死
而不泯神民與通旗幟顯隱悅猶公逢谿夷震龍言風靜
四封何以致之曰惟一忠咨以雲來無忝乃翁監此詩
銘永永無窮

大明

田仁厚 子弘正

田仁厚故元思州宣撫使兼湖廣行省左省至正二十二年乙巳高皇帝命將經略荆襄秋八月仁厚遣其都事林憲萬戶張思溫來獻鎮遠思州軍民二府婺川邛水常寧等十縣龍泉瑞溪沿河等三十四州皆其所守地也於是命改宣撫司爲思南鎮西等處宣慰使司以仁厚爲宣慰使子弘正洪武五年親率部屬從征羣蠻遂命爲中順大夫思州宣慰使子孫世襲八年復陞本司爲宣慰使

司授亞中大夫其族屬有田仁智者亦授宣慰使居於思

南爲二田云後二田構亂廢章

和自田仁智子孫族入田茂安人子宗鼎

元末田仁智爲總管團兵保境人民稍安吳元年仁智納

土歸附詔立思州宣慰司以仁智爲宣慰使洪武九年

仁智入覲貢馬及方物太祖諭之曰汝在西南遠來朝

貢其意甚勤朕以天下守土之臣皆朝廷命吏人民皆朝

廷赤子汝歸善撫之使得各安其生則汝亦可以長富貴

矣夫禮莫大於敬土德莫盛於愛下能敬能愛人臣之道

也仁智辭歸至九江龍城驛病卒有司以聞 太祖命禮部遣官致祭勅有司送其柩於思南其族人田茂安者據沿河婺州以獻偽夏明玉珍洪武五年夏亡茂安乃降立為思南宣慰使田琛仁智子也嗣立與茂安之子宗鼎爭砂坑日尋以兵宗鼎復禁其民不得徙華風瓦屋樹秫秫子弟不得讀書民大疾苦永樂初遣行人蔣廷瓚往勘之琛自言願見 上白事廷瓚遂以入覲琛言思南故思州地當歸思州 上曰思南叛歸偽夏時何不徑取屬汝邪畫土分疆是朝廷事汝安得擅有之琛復許宗鼎諸不法事 上曰過惡在彼汝何與焉第安分守土再犯吾戮汝矣琛叩頭受諭而還與宗鼎構殺如故十一年十一月

上乃遣旗校數人潛入二司執琛宗鼎去城中闐無知者頃之忽一宦開黃 諭諸夷曰首惡既擒餘無所問於是諸夷帖然琛宗鼎至京師咸斬之乃諭兵部尚書印全忠等曰思南思州民苦田氏久矣其滅之以為府治遂建布政司貴州以廷瓚為左布政使時廷瓚已為行在工部侍郎蓋特簡云洪熙元年朔月行在兵部奏初思州思南王軍皆本處夷人聚則為兵散則為民前宣慰田琛田宗鼎

各奏設千戶所今二宣慰司已革罷土軍悉復爲民獨思州思南二千戶所官尚存若仍存之則當聚兵使之率領不然亦請罷之 上曰撫治蠻夷當循舊俗若再聚兵非清安之計宜改除之千戶令歸舊衙所其本土頭目仍屬各長官司後或用土兵令其率領 續衣生曰諺云思播田楊兩廣各貴蓋太其氏也乃文皇之禽云田發單帽持尺札入夷落桑蔭未徙而縛其兩雄市不湯肆何其易哉今楊氏又夷矣宋氏幾灰而然矣爲宣慰者敢不主臣

附思南府志田氏擅郡地已數百年洪武初 太祖定鼎金陵思州田仁厚已歸附而田茂安乘亂割思南以獻僞夏至玉珍檜茂安始納款永樂中二氏各有擅兵讎殺之罪 文皇權其前日逆順之情思州田琛止革其職田宗鼎則徙置遠左拜籍沒其產所屬長官仍其舊

播州楊氏

楊之先太原人有楊端者仕會稽爲望族徙寓京兆唐末南詔陷播州端應募往復播州遂有其地傳子牧南牧南

傳三公三公傳次子實實生昭無子以宋益州刺史楊延昭之子充廣使廣西與昭通譜以其子貴遷後之自是有播州者皆貴遷之後也貴遷子光震光震子始名文廣後至璨而大歷宋元至我 明世為宣慰使萬曆二十八年楊應龍阻兵西寇貴州南陷綦江 上命川湖貴三省合兵誅之播州亡裂為二府一為遵義府屬四川一為平越府屬貴州

唐

楊端

楊端唐乾符初南詔陷播州楊端以應募領兵復之諭以威德縻以恩信蠻人懷服五代以來世襲其職宋開禧間贈太師五傳至昭無子以族子貴遷嗣

宋

楊璨子价价子文

楊璨端十三代孫也嘉泰初襲播州安撫使開禧初蜀帥吳曦作亂璨輸金錢戰馬以助國用卒贈左衛大將軍忠州防禦使追封威毅侯

楊价璨子未生時將校有夢神自靖州來號蜀威將軍者

照記卷之五
暨价生貌狀如之紹定中襲職以邊功授開門宣贊舍人
卒追贈威靈英烈侯

楊文价子寶祐間受武德郎脩學勤治累官播州安撫使
卒贈光祿大夫同知樞密院事

元

楊邦憲

楊邦憲文子襲父職瑞平間蠻人掠境領兵拒之擒其酋
長進武節大夫宋亡元世祖詔諭之始內附授播州沿邊
安撫使卒贈平章政事追封播國公諡惠敏

楊賽因不花

子嘉貞

楊賽因不花初名漢英字熙載賽因不花賜名也漢英邦
憲子生五歲而父卒二十二年母田氏攜至上京見世祖
於大安殿帝呼至御榻前熟視其眸子撫其頂者久之乃
諭宰臣曰楊氏母子孤寡萬里來庭朕甚憫之遂命襲父
職錫金虎符因賜名賽因不花及陞辭詔中書錫宴賜金
幣綵繪賚其從官有差二十五年再入覲時年十二帝見
其應對明敏稱嘆者三後因宰臣奏安邊事帝益嘉之是
年改安撫司爲宣撫司授宣撫使尋陞侍衛親軍都指揮

使成宗卽位賽因不花兩入見贈諡三代大德五年宋隆濟及蛇節等叛詔湖廣行省平章劉二枚都指揮使先忽都魯率兵偕賽因不花討之六年秋九月師出播境連與賊遇破之前駐蹕泥賊騎猝至賽因不花奮擊先進大軍繼之賊遂潰乘勝逐北殺獲不可勝計遂降阿直下管籠望塵送款者相繼七年正月進屯暮窩賊衆復合又與戰于墨特川大破之蛇節懼乞降斬之又擒斬隆濟等西南夷悉平八年賽因不花復入見進資德大夫至大四年加勳上獲軍詔許世襲播南盈兩蠻內侵詔賽因不花暨思州宣慰使田茂忠等兵討之以疾卒於軍年四十贈推誠秉義功臣銀青榮祿大夫平章政事柱國追封播國公諡忠宣子嘉貞嗣

楊嘉貞漢英子至正初授播州等處管軍萬戶侍衛親軍都指揮使上護軍討平楊留總之叛進湖廣行中書省左丞

大明

楊鏗

楊鏗嘉貞從子洪武四年鏗納土以爲宣慰使戶部奏

州宣土地既入版圖卽同王民當收其貢賦請令自
洪武四年始每歲納二百七十三石著爲令兼其所有自
實田賦竝請徵之 太祖曰橋州西南夷之地也自昔皆
入版圖供貢賦但當以靜治之苟或擾之非其性矣朕君
臨天下彼率先來歸新有田賦隨其所入不必復爲定額
以徵其賦九年楊鏗遠其屬張坤趙簡來朝貢馬賜賚甚
厚陛辭 太祖諭之曰汝先世世篤忠貞故使子孫代有
爵土然繼世非難保業爲難知保業爲難則志不可驕欲
不可縱志驕則失衆欲縱則滅身汝能益勵忠勤永堅臣
節則可保世祿於永久矣後復陞大軍討平叛寇賈
安將軍子昇襲職遂致勤敏邊境綏寧永樂初請開學校
薦士典教州民益崇習詩書禮義

楊昇

楊昇橋州宣慰使永樂七年以上言所轄當科爲雍等十一
寨蠻入梗化不服聚衆剽掠請發兵剿之 上勅昇曰蠻
夷反側不常其業久矣如遽調軍卽一方之人竝受荼毒
宜遣人撫諭之不從令鎮遠侯顧成經略之昇如上旨
遣官齎勅宣朝廷恩德遂皆歸化

楊輝

楊輝鏗之孫也襲宣慰怙富負險代恣豪舉輝二子長友次愛友庶而長輝以妾故特嬖之屢欲奪嫡而安撫宋鞞長宦毛剗等不從曰楊氏家法立嗣以嫡不以長主公柰何柰之以啓亂階輝不得已乃嗣愛而嬖友之心終不解倖客張淵日聳憑之因說輝曰主公欲貴孟主而戚戚與仲主爲讎即使奪彼以與此不過轉移故物耳且貽口實於後人何不別爲孟主地雙貴而朋立是使孟主創立而傳世也輝曰爲之柰何淵曰天壩諸酋主公部境也山箐險遠愁而易凌誣之曰賊而請兵討之歸功孟主因請立官分治則事爲有名矣輝大喜乃召谷山長官韓宣重安長官張通計之將以疏請宣曰天壩諸酋力耕服役皆順民也柰何以賊誣之輝大怒立杖殺宣通皇恐股栗叩頭曰諸酋誠賊也乃從輝署名疏言酋亂請兵討之部議報可乃命都御史張瓚將兵討之諸酋被戮者千餘人瓚乃盛陳友功且曰友謀勇冠軍手刃七敵誠設安撫司於安盞以友爲安撫使則諸酋不復反矣時友年纔十三耳部議信之乃立司徒官一如所請旣而爛土諸酋齎果等

忿天壩以無辜受戮也時時攻安寧壘又疏請築城衛之費糧數十萬十九年輝死愛脩怨於淵淵屢謀殺愛不克二十一年丹章諸首寇安寧四川右叅政謝士元副使程廷蕙都指揮楊綱以兵往過播州詣愛家置酒高會明日視學通州民賽在士元等因坐學宮遊觀之愛復攜酒以往訓導楊禮者介士也艷然陳曰視學而觀社提兵而樂酒略等風而款不屬竊爲明公耻之士元等大慚而起淵自知不容於愛乃喚友誣愛通首越境爲亂報之貴州守臣而致書舉人路義令通賂上下安撫宋韜獲之以報愛愛乃易書於義僞以人往義信之詣貴州守臣陳愛友狀守臣不聽曰播州非我轄也義復書於友言非奏聞不可愛得書以報四川守臣友淵大懼乃誣疏愛嘗言夢騎龍登天上帝謂我曰南方帝子也又嘗立嵩呼門金水橋以擬宮禁廷議大駭乃命刑部侍郎何喬新錦衣指揮劉綱會四川都御史御史等官鞫之淵以妖言坐死士元等落職義削籍友愛皆論死贖免之友削官竄保寧無何友黨篡友以歸與愛讎殺不已而友子張愛孫相尤酷毒嘉靖七年兵部尚書胡世寧議謂張黨與已成若不因而撫之

恐遂流禍請立安撫司于凱里屬治貴州以張爲安撫使而相宣慰屬治四川如故然其讎固自若也諺云骨肉讎醢參商播凱

附田豫陽汝成炎徼紀聞論曰播凱之亂其初不過楊輝奪嫡之私耳一夷酋上書誣人以逞大司馬不覈實而遽許興師非徇情何以有此張瓚欺君曲法造禍百年蔓延邊徼其後展轉調停不過分疆別省耳貸禍首而不究何以服諸夷哉

王元美尚書宛委餘編曰市巷人俚歌稱楊業之子曰楊六郎延昭延昭之子宗保宗保子文廣征南陷南中其事多誣罔及覽宋景濂所撰楊氏家傳楊端復播州遂有其地傳之牧南牧南傳三公三公傳次子實實生昭無子以宋益州刺史楊延昭之子貴遷後之貴遷子光震光震子始名文廣後至璩而大迄今爲播州宣慰使按宋史延昭初名延朗仕至保州防禦使高陽關副都部署有子曰文廣從狄青南征爲廣西鈐轄知宜邕二州累遷定州路副都總管以沒今家傳所記以子貴遷後楊昭者當廣州鈐轄時邪家傳不言文廣而云延

黔記卷之五十一
廣蓋以第三世復有文廣故諱之耳宋史又不著又廣
有後與否本朝楊武襄洪子俊從子信能俱有威名故
人以附會業延昭輩稱楊家將却不足論

蟪衣生曰楊粲以十訓刻石示子孫曰如能順從則世享
福壽邦憲漢英守之父子事元俱封國賜謚稱忠順福壽
矣當時宋隆濟蛇節叛隆濟今洪邊族蛇節今水西族也
元人藉楊氏力討平之不謂今楊氏叛下無焦種而洪邊
水西尚存應龍真不肖子哉楊氏宗祀八百年比隆召公
使守十訓家法又惡知不過其曆而奈何以凶終也

黔記卷五十八目錄

土司土官世傳

宣慰司屬土司

貴陽府屬土司

定番州屬土司

新貴縣土官

思南府屬土司

石阡府屬土司

黎平府屬土司

思州府屬土司

鎮遠府屬土官土司

銅仁府屬土官土司

都勻府屬土官土司

普安州屬土官土司

永寧州屬土司

鎮寧州屬土司

安順州屬土司

龍里衛屬土司

新添衛屬土司

平越府屬土官土司

黔記卷五十八

土司土官世傳

泰和郭子章相奎父著

廣州宋興祖汝杰父正

貴溪畢三才成叔父校

蟪衣生曰貴州土司有二有武衛者宣慰使同知安撫使
正長官副長官土千戶百戶之類是也有文衛者土府同
知通判推官土州同知土縣丞主簿遊擊之類是也長官
司有屬宣慰司安撫司者有屬府州縣者有屬衛者武衛

土官與屬宣慰安撫司長官專用目把漢把夷而夷者也
文衛土官與屬府州長官事統於郡守州守縣令而佐之
夷而漢者也屬衛長官與衛官世姻官相統率而勢難猝
制不夷不漢者也故今悉歸之府及縣廳者以此嗟夫
土司連衡國家之害土司讐殺國家之利連衡者解之讐
殺者任之則其勢自弱因其弱而攻之分之地方其有攸
賴哉故制西南土司不專論于文也

宣慰司屬土司

共九司

水東司

正長官向四土人洪武四年征南有功授土官永樂元年
開設水東司二年授本司長官六世孫權龍絕弟有疾男
承祖襲

副長官胡文英土人克把事節次調征有功授副長官男
祥襲絕弟勇襲至五代孫繼殘疾弟俊襲沿希堯襲

龍里司

正長官何有善土人洪武四年任長官三世孫海故絕弟
襲沿天與襲

中曹司

正長官謝石寶土人洪武五年歸附授長官六世孫恩故
絕族姪乾襲故男孝兒幼次房芳借襲沈廷龍襲

副長官劉禮賓土人洪武四年歸附授副長官男榮故絕
弟俊襲沿龍應襲

白納司

正長官周可敬土人洪武四年歸附永樂四年開設本司
授正長官至五世孫森故絕次房弟賢襲沿如唐襲

副長官趙仲祖土人洪武八年充把事永樂五年授副長
官至四世孫權襲故絕次房弟桓襲沿邦泰應襲

青山司

正長官蔡劄土人洪武間歸附調征有功授長官傳至堂
有疾將印信付土舍劉儒署管尋告土司准給堂管理沿
正洪襲

副長官劉士真土人洪武十八年男子恭克把事三十六
年調征洋水等處有功陞本司副長官沿世龍襲

底寨司

正長官蔡永昌土人洪武四年任長官沿繼芳襲

副長官梅忠直隸鳳陽府人洪武八年調征雲南授副長

官沿傑襲

養龍坑司

正長官蔡普化土人洪武五年任正長官沿應司襲

副長官謝文直洪武十年充把事永樂五年授副長官沿

世鄉襲

再西司

正長官楊文真土人洪武二十八年招撫生苗有功永樂

元年授正長官沿環襲

副長官劉海把事男得秀調征有功永樂三年陞副長官

沿宗直應襲

王創佐司

正長官宋文忠土人洪武五年授正長官至三世孫志綱

故絕次房智襲沿禮襲

貴陽軍民府屬土司

金筑安撫司

安撫金審定土人洪武四年歸附設金筑長官司十年改

安撫司授安撫沿至大璋

定番州屬土司

共十
五司

程番司

正長官程谷祥元安撫洪武四年歸附五年授正長官八世孫良輔爲事死於獄弟良弼襲沿至弘道襲

上馬橋司

正長官方朝俸洪武四年歸附十五年男谷付授正長官

沿襲至鎮邦

小程司

正長官程受孫洪武五年歸附六年授正長官沿襲至國

卿

盧番司

正長官盧朝俸元安撫洪武四年歸附五年授正長官沿

至珠

方番司

正長官方得用元安撫洪武四年歸附授正長官沿至岳

韋番司

正長官韋四海元安撫洪武四年歸附十五年子勝祖授

正長官六世孫鳳韶及子世勳爲事鳳韶擬死世勳爲民

嫡孫欽襲沿至啓

洪番司

正長官洪慶詩元安撫洪武四年男智歸附五年設正長官沿至祿

臥龍番司

正長官龍得壽元安撫洪武四年歸附男順昌本年授正長官沿至文光

至小龍司

正長官龍昶元安撫洪武四年歸附五年授正長官沿至德賢

金石番司

正長官石愛元安撫洪武四年歸附五年男寶授正長官六世孫隆及子顯高為事監故次房六世孫承晟襲沿至國正

羅番司

正長官龍勢球元安撫洪武四年歸附授正長官六世孫會清為事克軍子蠻襲沿至勝麟

盧山司

正長官盧經保元土官洪武五年被苗賊的黑殺死子神

保授正長官沿至承恩

木瓜司

正長官石蓋元長官洪武六年子既歸附十五年三世孫保陞正長官七世孫貴絕次房愛子中憲承襲因與廣西泗城州爭地有礙應該中安接襲

副長官顧辰南直隸人洪武間調撥征南有功陞本司副

長官沿宋襲

大華司

正長官狄幸元長官洪武八年授正長官沿襲至應朝

麻窩司

正長官得雍洪武伍年歸附授本司正長官沿襲至勝

新貴縣土官

土縣丞宋顯印祖杜黎洪武四年歸附授貴筑司正長官沿襲至顯印改今職萬曆二十六年革

土主簿竇國梁祖敏得洪武二年歸附十四年隨穎川侯

征進雲南西堡有功陞貴筑司副長官沿襲至國梁改主

簿陞縣水國梁自以非其祖職告仍為主簿

土主簿庭拱極祖保即洪武初有功授平伐司安撫十五

餘已卷之五十一

年男那襲降長官沿襲至拱極舊屬龍里衛萬曆元年改屬貴陽府十八年設新貴縣改今職

思南府土司

水德江司

正長官張氏張坤元前元古思州苗叛元相機設奇屢戰皆捷授龍泉坪水特姜長官司正長官隸屬思南宣慰司子應隆應銘隆襲兄弟征古州八萬苗有功隆加授奉訓大夫仍署司事銘授武略將軍鎮撫至正十八年紅巾叛兄弟率兵擊賊大敗之民賴以寧隆加授黔南道都元帥

府都元帥入

明銘孫乾福洪武二十三年襲因二田割

據以龍泉坪水特姜司改置水德江長官司隸思南宣慰司後設府治屬焉歷張沂張源張玉張羽張釐張輦張繼恩今張輅老無子

副長官楊氏楊惟載元思州土人唐時南征有功授古州八萬撫夷侯楊威於初率忠勝義軍協同田祐恭征剿江口溪洞蠻夷功授武功大夫觀察使楊彪從思州田安撫征古州八萬潭溪六洞竝辰沅綏靖蠻獠協督軍機授思州安夷軍民都總管楊敬禮楊敬義納土設立屯堡相鄰

村寨有警互相馳救敬禮懷遠將軍敬義統步馬兵把
守重慶瞿唐三峽功授武略將軍兼重慶路馬步軍副總
管敬禮無嗣敬義生浚授銅仁進義長官楊昌沮楊昌沂
至正二年金國僧金頭和尚復通南蠻及湖廣行中書省
調沮沂兄弟統兵征剽平服獲級功多授沮左捲簾使沂
右捲簾使俱卒于京大定四年錄二昌功授子大中武毅
將軍思南宣慰司都元帥府副使楊應雄征之于坪蠻夷
禍巢擒首惡斬之夷以安堵設村洞招附漢人化誨夷俗
功授進義副尉芝子丁等處蠻夷長官入國朝洪武七
年楊世榮納土授承直郎溶溪芝子坪長官司長官隨右
將軍沐英征雲南有功傳潮海洪武二十五年授宣慰司
辦事長官永樂十八年設府改任本司副長官歷楊圭楊
茂楊敷楊美楊宗程今楊一龍

蠻夷司

正長官安氏安仲用京兆人在宋時率兵征三十六洞諸
苗任義陽元帥府元帥六世孫世興同田祐恭克服三十
六洞九十九寨苗夷功授沿邊溪洞軍民萬戶總管諫思
州宣慰司八世孫輝至正間宣慰田琛徙治都坪而二田

分據思州地創設思南道都元帥府明洪武五年始置思南宣慰司隨設蠻夷長官司以輝世襲蠻夷司正長官永鈺永樂五年襲時嘗蒲溪鬼野坡落猴水龍潭落回等地方苗叛鈺募兵捕殺大敗賊衆斬獲甚多至十一年革司設府隸屬附郭安逸永樂十八年襲正統十一年司奏土官衙門自古以來男婦婚姻皆從土俗乞頒恩命上曰

貴州土官衙門或有循襲舊俗因親結婚者既累經赦宥置之不問亦不許人因事訐告繼今悉令依朝廷禮法如違不宥歷安洛安方安牧安宇安繼爵安岳今安國臣襲

副長官李代李倫同新軍萬戶府田謹賢征剿平步南洞白崖窺風箐倒馬坎等處印夷有功元授忠顯校尉管軍

萬戶職事三世孫斌至正間二田分據思州地洪武三十五年宣慰田大雅保任隨司辦事長官永樂五年宣慰田宗鼎保任本司副長官李盤宣德年間襲鎮寧苗賊叛盤領兵討賊戰死於石留坡詳盤本傳李秀李林李洪李谷李重李承祖李承宗李經李學仁李克仁今李居仁借襲

十八沿河司員大新李盤宣德年間襲鎮寧苗賊叛李正長官張氏張文龍元至正三年授進義校尉沿河司正

顯諸卷之三十八
長官入

國朝傳張暹德

通志作晉德

張宗漢張添麟洪武二

十九年宣慰田大雅保襲歷張欽張珏張冕張熙張澤張

燦然張祖燁令張世臣襲

副長官冉氏冉永安冉嘉禎冉仁儉永樂元年襲歷冉文

藝冉昱冉懋冉國忠冉翔冉朝佐冉璋冉珍令冉承恩襲

正長官田氏田穀保前元進義校尉大萬山司長官洪武

五年歸附田茂能以從征治古蒼意二長官司有功勅授

高由豐田積田慶嘉至田興通志作上邦嘉靖二十八年鎮苗毒亂

印江失守虜酋令以去賊勢洶洶莫敢櫻其鋒者邦挺身

率兵直搗巢穴計擒首惡吳黑苗斬獲甚衆興邦子光襲

今田儒勝襲

副長官任氏任文貴印江司籍前元石洞長官正統二年

功陞進義校尉三世孫鑑永樂四年征任仙峰功任前職

歷任政興任珮任珂任惟藩任思明令任滢襲

二 隨府辦事長官

田氏由二鳳宋時同田佑師克服苗夷受將得領相公本

司同知入鳳元應可任巡捕總管與立任巡檢茂澤至正
二年從征金頭和尚授職入國朝田仁爵征紅巾賊功

封忠翊校尉田洪佐原任宣慰司正長官永樂九年革宣
慰司改思南府仍隨府辦事長官歷田大紀田守琦田希

顏田秘田應恩今田時茂襲

楊氏楊任英元授思州軍民宣撫司長官勝宗授思印江
長官司長官入國朝歷楊自謹楊光曉楊勝德俱任

江司副長官今秀麟

覃韓偏刁水巡檢司

巡檢陸公閱洪武七年宣慰田仁智保任前職世官歷陸
傅陸機陸爵陸仕昌今陸炳

隨縣辦事百戶

謝復隆洪武初宣慰司保任婺川縣主簿謝政弼洪武二
十五年改任思南千戶所百戶歷謝異德謝珞謝世英謝

恩今謝鐘

田惟載初授思寧宣慰司宣慰洪武五年改設思寧長官

司復改本司長官田茂常洪武七年改襲信寧巡檢司巡

檢田仁弼洪武二十五年改授思南千戶所百戶歷田弘

裕田弘禧田斌田泮今田應紀

石阡府土司

共三司

石阡司

正長官安氏安宗誠京兆人隋大業二年平黔夷授義陽元帥義陽在今龍泉司曾孫文即如山功授都機武略將軍部下有張彪者陝西人有勇略任政隆之寇率其部弓弩手五百人爲安文左右翼功授千戶隨思南宣慰司辦事元初失其官文弟武紹興間偕兄文同田祐恭東平保靖西克馬湖涪夷擒龍泉叛賊任政隆加榮祿大夫石阡龍泉葛彰偏橋思南土官皆其後焉至元有德勇多智有勇至元間以功授葛彰司副長官洪武三十二年宣慰田大雅保三世孫景文任隨司辦事長官永樂十一年革宣慰司改隨府辦事十四年保任本司正長官歷安讓安然安撫安顯安處善今文胤

副長官楊氏楊九龍太原人其先令公業之後曰文廣者英宗時從將軍狄青南征濃智高子徃多勇略由靖州克服南土得世官如石阡烏羅萬山印水提省平梅皆宗之孫智通征丹革有功進忠武校尉思南宣慰司都元帥府

僉事偽夏聞其名授以思州都總管不受智通子政德元副長官洪武五年納土授承務郎石阡長官司副長官子歷楊通俊楊通傑楊光清至楊祥正統己巳清水江寇起時郡無城無兵遂陷祥收集鄉兵追殲歸寇直搗巢穴平之功進忠顯校尉又歷楊勝網楊秀福楊再珍正德五年播凱苗叛與土官汪譽協謀向敵斬首甚衆進忠顯校尉子正東襲兩征銅平四辦採木進忠顯校尉今鴻基

土百戶王如昌本司土官洪武三十三年授思州千戶所百戶洪熙元年革所男朝文改隨石阡司辦事朝文子瑤瑤子綱襲

田谷陝西人元以功授都督指揮使隨宣慰司辦事國初失其官

龍泉縣土縣丞王簿安氏安德麟龍泉司人洪武初父懷信以大潼長府內附率所部變兵絕偽夏糧道陞鎮遠同知麟以功授思州鎮撫宣撫廢改署彰長官兄德芳授偏橋司長官男永和永樂元年功陞隨司辦事長官十一年改隨府辦事十七年保任龍泉司正長官歷安克敬安紀安演安廷爵安瑤至民志萬曆二十八年播酋楊應龍突

犯龍泉民志率兵與戰死之播平錄民志一子謙龍泉近苗土司例不設城難守改司為縣以民志子世襲縣丞祖職長官世襲縣主簿

土主簿朱氏朱旺思州宣慰司頭目洪武二十五年功陞思州千戶所鎮撫宣德七年男澤保任本司副長官歷朱澄朱廉朱應爵朱賢今朱承勛司改為縣副長官改主簿土官百戶二員

冉文虎前元思南水特江司長官冉才智子吳元年歸附洪武等年奉征古州銅關鐵寨龍里二十六年功陞世襲土百戶歷冉思忠冉准冉綱冉觀斌冉觀陽今冉克明何嗣昆前元石阡司長官洪武十五年同穎國公征古州銅關江南改任土百戶歷何珪何德政何文斌何俸金何俸科今何良弼

苗民司

正長官汪氏汪得英古州龍里長官司副長官洪武三十年宣慰田大雅保任本司正長官三世孫仕隆襲汪浩汪璧汪譽成化十八年襲採木有功補寇克捷進忠顯校尉子汪牧絕今汪大箴

葛彰司

正長官安氏安德彰元人子永洪武五年歸附授葛彰司
正長官世襲歷安克昌安永禎安克是安寧安全安桂今
其位以通播削職

副長官趙氏趙榮思州都坪司籍洪武五年從征古州八
萬有功除亮寨司副長官二十五年改任葛彰司副長官
永樂元年子景春襲歷趙鎮趙昂趙顯祥今世忠

百戶王彥子欽思州千戶所百戶革撥隸本司辦事彥
字襲字子佐襲

黎平土司叅計

黎平土司曹滴古州中林湖耳龍里歐陽赤溪皆楊氏再
思齋孫也朱梁時再思據有徽誠稱刺史孫通蘊通寶璽
當宋盛時相繼入款始詔授官楊之盛自茲始八舟赤溪
二吳及歐起於元石李龍三姓起於國初

曹滴司

蠻夷正長官楊都萬洪武初由本司副長官陞授子楊政
賢五年襲子楊通海楊官保楊光秀楊永昌楊清楊永成
楊遷貴楊天奇楊天爵今應襲楊惟清

副長官楊金祿以容江巴黃司長宦改洪武五年子顯龍襲歷楊玄萬楊光明楊順楊董楊勳今應襲者楊春葵

古州司

襲夷正長官楊秀茂洪武五年授歷楊通萬楊金臺楊政賢楊光文楊聰楊欽楊鳳麟今襲者楊鳳麟

洪州司

襲夷正長官李德興河南寧縣人也洪武五年從江陰侯征古州叛蠻以功授子李昱襲歷李榮李紀李誠李訓李瑄李震李英李芮今襲者李潤

潭溪司

襲夷正長官石平禾洪武五年用征古州功詔授子石文漢襲歷石秀聰石宗原石顯石嵩石源石堅石磐石均今襲者石守龍

八舟司

襲夷正長官吳金骨元授本司正長官國朝因之洪武五年子吳天秀襲歷吳原昌吳原成吳天回吳從義吳海吳垣吳鏞吳千章吳仕英今襲者吳國臣

新化司

無調卷之五十一
蠻夷正長官歐明萬洪武年授子都錢襲歷歐林歐祐歐
寬歐文顯歐佐歐天章今襲者歐鳴楊

正五湖耳目

蠻夷正長官楊再祿洪武五年授子通受襲歷楊通富楊
郁楊能楊雄楊官保楊受保受保嗣絕族子典印者楊堂
楊通萬

副長官歐景甫永樂十二年以西閃寨副長官改授子忠
襲歷歐元亨歐德今歐朝俸

亮寨司

蠻夷正長官龍政忠洪武初以功授子府和襲歷龍有義
龍志誠龍永福龍寬龍佐龍鳳龍韜龍騰霄今龍祖華

歐陽司

蠻夷正長官楊都統江西兼和人勝國時以功授國朝
因之子載仲洪武初襲歷楊海均楊政文楊貴楊光榮楊
和楊椿今楊守鎮

中林司

蠻夷正長官楊盛賢洪武五年從江陰侯平苗以功授三
十五年楊秀高龍襲歷楊通保楊秀通楊恕楊聰楊廷貴

楊銘楊承祖楊相今應襲土舍楊一龍

龍里司

寧夷正長官楊光福洪武初以功授子昌載襲歷昌盛昌貴楊禮楊壽永楊正聰今楊武

赤溪司

蠻夷正長官楊通諒永樂六年用剿羅臺賊功詔授子福襲立楊玉瑄楊昂楊松楊鍾秀楊國威今缺吳世銘先朝副長官也國初子尚先襲尚先子應灝洪熙元年剿黑溪賊以功進正長官子與文襲歷吳朝昕吳瑤吳春吳仲紳今吳阜

西山陽洞司

故長官韋方魁自正統中僮人叛遂納甲于府其後僮稍聚耕種自給嘉靖己丑韋文郁自稱方魁裔孫求甲治之請於兩臺不可壬辰吏部除吏目易明洞僮弗納知府祝壽遣知縣李霖詣洞諭之終弗聽癸巳壽召其長官韋文光與知縣霖集其鄉老諭以利害洞人願歲輸糧米一十五石無何壽權去遂不復徵二十九年吏部除吏目張道洞人亦弗納道解官去今長官韋昌金

思州土司

正都坪司

正長官何氏何夢霖宣慰司頭目洪武六年從征有功授

都坪司正長官子仁繁仁忠仁繁故絕仁忠襲歷何鍾萬

何斌何顯容何純何世麒麟襲今何翟

正長官周氏周斌宣慰司頭目永樂元年從征有功授隨

司辦事長官五年男瑛襲十二年陸本司正長官歷周鑑

周縉周廷珪周相周禔周紹魯今懋德

黃道司

正長官劉氏劉貴元宣撫司同知洪武初贊田氏稱臣八

貢五年陸宣慰司同知八年陸宣慰司副使平易近民諱

有善治子道傳洪武五年功授平岳司長官七年孫獨襲

屢征有功二十五年改授本司長官三十五年孫澤襲無

守禦思州千戶永樂十一年題專本司正長官歷劉燧劉

廷瓚劉福順劉襲劉一潮今劉懷烈

副長官黃氏黃文聰宣慰司頭目洪武五年功授務程司

長官二十五年裁永樂十二年男子芳告改本司副長官

子芳故子玉未襲故子彝襲故子清未襲故以伯元顯宗

保送未襲亦故弟黃顯昌應襲又故顯昌子鳳未襲復故
子大器已老子黃仕在而世遠矣

都素司

正長官何氏何文學宣慰司頭目永樂二年以從征有功
除授隨司辦事長官十三年陞授本司正長官文學子忠
襲歷何政何顯鳳何世權何世恩今何思治襲

正長官周氏周文富宣慰司頭目洪武三十五年以從征
有功授思州千戶所百戶子勝祖孫源相繼襲洪熙元年
董千戶所宣德十年改調本司副長官正統四年功陞正
長官源故子永昌襲歷周添福周飯周尚文今周
以政

施漢司

正長官劉氏劉道忠元土官洪武元年征調有功授本司
正長官子劉永興襲歷劉瑾劉廷鎮劉宗劉世奇劉一誠
今劉德義

鎮遠府土官土司

土司知何氏何永壽元為高丹洞長官司頭目男孟海功
陸本司正長官四世孫九昇改思南印江長官洪武三十

二年因鎮遠州土知州戴子美絕三十五年思南宣慰田
大雅見五世孫濟節征有功保陞鎮遠州土知州正統二
年華州將六世孫瑄改為鎮遠府土同知累戰有功陞從
四品散官朝列大夫瑄另有傳歷何斌何驥何魯何承宗
何熙何承訓今何守德襲

土通判楊氏楊紹先任節度同知洪武初六世孫忠
順歸附五年設鎮遠州授州同知宣德七年十世孫素襲
絕十一世孫瑄襲正統三年華州陞為鎮遠府通判成化
二年殺賊陣亡晉階奉議大夫本府同知男復生年幼三
年裕借襲十七年復生長成襲歷楊蕃楊董楊應東今應

兆
土推官楊氏楊再華授前代思州宣撫司萬戶累政朝授
鎮遠安撫司僉事功陞本司副使三世孫通全授金容金
達長官司副長官洪武初歸附永樂元年陞鎮遠州判官
正統三年華州十年六世孫忠奏授鎮遠府推官歷楊欽
楊載春楊汝循楊通理今通淮

偏橋司

正長官安懷信土人原任思南宣慰司鎮遠軍民府同知

男德功陞沿邊溪洞總管洪武元年歸附二年改府為州
將德調偏橋長官二十三年三世孫永鑑襲三十四年功
陞思南千戶所千戶永樂三年四世孫行襲正長官沿襲
至鎮雲

左副長官楊錢灘土人授前代武略將軍思南軍民宣撫
管軍千戶男文鳳保襲偏橋軍民長官司左副長官正德
十二年六世孫憲襲男福木襲絕弟沿襲至應瑞

右副長官楊通賽土人任前代偏橋軍民長官司右副長
官二世孫通誠隨宣慰田大雅辦事永樂二十年准襲本
司副長官正統十四年六世孫忠陣亡絕嗣弟明襲沿至
鵬霄

印水司

正長官楊通稱土人任元時德明長官司長官洪武二十
五年革司男光榮歸併印水司改任正長官永樂四年三
世孫昌盛襲至中途病故弟昌貴借襲陣亡十七年昌盛
男盛武出幼襲至六世孫光春襲絕該弟光輝襲

副長官袁誠本土官籍洪武六年授陂帶里長官司副長
官絕二十五年革司歸併印水長官司二十三年弟讓襲

絕弟諒男凱襲至七世孫鰲絕弟恩借襲絕次房八世孫
新襲洽至朝憲承襲

土百戶王思恭思州宣慰司頭目洪武二十五年功授土
百戶永樂十一年華司洪熙元年三世孫昇襲送鎮遠府
印水司土百戶至八世孫廷鉞故絕龍弟廷裕及男朝俱
未襲洽至朝男必選承襲

銅仁府土官土司

銅仁縣

土主簿李氏祖李淵宣慰司頭目尚文學多能事洪武初
歸附授正長官男聿殘疾次庶出男祖述借襲二十六年
因扁苗情問鐵嶺衛軍該三世孫儼襲因幼三十五年述
男隱告襲傳四代取恩南天子壩承祖過銅生永授隆慶
三年襲萬曆十八年闔府士民奏告克雲南平夷軍洽以
諭改今職

省溪司

正長官楊政德元授忠武翊校尉省溪壩場長官警言敏多
智洪武五年保任本司世襲正長官洽至光熙

副長官戴友直元授洽河祐溪正長官男達可洪武初功

授發川縣丞三年三世孫貴德保任隨司辦事有功保調
本司副長官洽至家

提溪司

正長官楊秀纂石屏龍泉司正長官永樂元年保隨司辦
事九年鞏司設府改隨府辦事十六年改本司正長官洽
至再印襲

副長官張坤原促溪司長官陣亡男應宣陸思南宣慰司
同知四世孫秉仁任本司副長官洽襲至洪謨

烏羅司

正長官楊金萬元任正長官三世孫世雄洪武初年歸附
保障一方仍授本司正長官洽襲至一方

副長官冉如隆元授萬戶府三世孫興祖洪武初歸附改
思南宣慰司隨司辦事永樂十一年設府改本司副長官
洽襲至榮恩

平頭著可司

正長官楊通武洪武初有功保任本司正長官洽至通朝

襲

副長官田惟定元任副長官洪武初男茂弼仍授前職洽

龔至應湖

大萬山司

正長官楊政華任元為長官嚴弁戡守境土洪武間西南內屬仍以華為大萬山長官忠誠為民所重沿襲至政邦都勻府土官上司

尹懷昌

張萬濟

尹懷昌以雄傑為都雲酋長張萬濟祥柯酋長也石晉天福五年懷昌率其屬十二部萬濟率其屬思表等州皆附于楚

都勻司

正長官吳賴洪武十四年授本司副長官永樂二十年男琮襲景泰三年三世孫震功隆正長官沿襲至禎

副長官王普院洪武八年男普團冠帶管事十六年三世孫阿保陞副長官沿襲至國聘

邦水司

副長官吳湖洪武十九年男尚通署本司試長官三世孫旺授副長官沿襲至伯宗

平浪司

副長官王應銘洪武十九年克都保二十二年功陞本司
副長官洽襲至世麟

麻哈州
正長官楊平麻洪武十九年克頭目三十年男公賈功授
副長官景泰四年孫迪功陞正長官洽襲至洽安萬曆六
年四月內治安擒獲妖賊金雲峰迎撫何起鳴題加授四
品服色

土同知宋于孝定州人元任新添安撫司副使洪武十九
年四世孫禮功授撒毛司副長官二十一年調掌麻哈長
官司印弘治七年六世孫鉞改授麻哈州土同知九世孫
儒不法萬曆九年題准隨都勻府原銜辦事洽至人龍
樂平司

副長官宋仁德新添司土官洪武二十四年改授本司洽
襲至拱極

平定司

正長官吳忠洪武十五年除留守中衛千戶十八年改邦
水司試長官二十年調本司正長官洽襲至允熙

獨山州

土同知蒙阿佑土人洪武三十年授副長官弘治五年五世孫政改授本州土同知沿襲至天眷

爛土司

副長官張筠湖廣均州人洪武二十四年功授本司副長官沿襲至應麒

豐寧司

副長官楊萬八本司土民洪武二十三年男原德保除本司副長官沿襲至碧珊

冠帶土舍楊和係萬八三世孫實授冠帶沿襲至鎮邦

普安州土官土司

土判官祖益智普山土酋有權略善馭衆元延祐四年歸款授懷遠大將軍曲靖宣慰使掌普安路總管府事終於官孫那邦一作金龍襲祖職功隆雲南行省叅知政事仍領普安路事元季兵亂保障境內民以寧謐其妻適恭本朝洪武十六年為知府適恭卒子普旦嗣知府二十二年普旦與越州阿資本府馬乃等連兵叛普安府二十三年討平之罷府置普安衛以普旦弟有昌為貴寧一作安

撫者昌故子慈長安無良明永樂元年置普安安撫司以慈長為安撫初慈長來朝言建文時於其地置貴寧安撫司以故父者昌安撫近吏部遵舊制奏罷安撫司然本境地闊民稠歲於普安軍民府輸糧三千餘石且路當要衝舊有湘滿等驛乞仍設安撫司督治為便上曰

祖宗大經大法萬世不可改其他若時有不同後世當因時損益以便民者豈可執一而不知變通之道天下之人既以為便則當從之命吏部仍置安撫司改貴寧為普安賜以印章置流文吏目一員隸四川布政司十二年慈長謀為不軌改安撫司為普安州初設流隸貴州布政司領羅羅夷民十二部號十二營名其部長曰營長正統間始以慈長四世孫隆本襲本州土判官始姓隆九年陞州同知景泰元年功陞鎮遠府通判男隆壽襲判官歷賜禮寧今文治

永寧州土司

頂營司

正長官阿光本寨民洪武四年歸附充寨長有功三十年陞本司正長官傳三世孫瑜興衍俱故絕景泰五年弟偉

縣志卷之五十一
襲洽羅承宗襲

副長官程士貴湖廣麻城縣人充明氏千戶洪武四年歸附撥貴州衛屢征有功十九年陞授本司副長官傳三世孫茂未襲故絕弟敬襲洽至祖武

幕役司

正長官阿夷本寨民克寨長洪武十四年歸附有功十九年陞授本司正長官傳三世孫禮福海年幼族叔鄧借襲鄧謀殺福海故絕弟晟承襲至七世孫天寵襲絕弟天秩襲

副長官杜仲仁六合縣人丁酉年歸附從軍洪武四年撥貴州守禦十八年陞授本司副長官招懷安集夷民共仰沿永康襲

盤江河土巡檢李阿當克土官通恭下把事正統三年四世孫誇有功陞本司土巡檢洽至應麒

鎮寧州土司

十二營司

正長官隴阿住本司營長洪武十九年功陞本司正長官沿襲至特康故絕隆慶四年以長女隴氏護印

安撫蕭傑湖廣雲夢縣人洪武七年功授本司試副長官
子惠鄧落境內康又正統三年三世孫碗功陸安撫七世
孫選襲十二營司副土官治至蕭芳襲

康佐司

正長官薛福壽江西贛縣人洪武十九年功授本司正長
官安集流移拊字困窮民始復業治襲至翳故應該麟繼
襲

安撫于成山東寧海州人洪武十五年功除本司長官時
州民困于徵賦逋竄者多田畝荒廢成多方招徠俾復生
理民咸戴之公三世孫鑑功陸安撫五世孫駐為惡監故
絕姪安插管理地方

安順州土司

土同知阿窩本寨長洪武十四年歸附十八年功授安順
州土州判安集人民稱能吏絕姪宇襲永樂元年功陸土
同知十八年男張寵功陸土知州男承祖襲絕成化十三
年姪傑仍土同知洽鶴襲

寧谷司

正長官顧興仁本司人丙申年從軍十四年男其佑征南

留守普定衛十八年功陞寧谷司副長官政令不苟人多
信服正統元年三世孫雄功陞本司正長官六世孫勳故
絕次房綱襲七世孫邦寧為事監故嘉靖三十八年八世
孫東魯承襲故絕今同堂邦寧管理本時

西堡司

洪武二十四年從軍有功暫充西堡司長官

洪武二十四年

正長官卜都洪武二十四年從軍有功暫充西堡司長官
二十五年奉勅合陞本司正長官永樂二年父子密登故
絕宣德八年嫡孫建龍襲治九世孫沙正年幼堂叔貴襲授
副長官溫伯壽洪武四年歸附十九年選充普定試副長
官二十年實稱傳五世孫廷玉被殺故絕弟廷瑞襲至八
世孫正陽絕弟東陽襲

龍里衛土司

保郎平伐人宋末逃匿起疆土騷動保郎聚集民兵保
障村寨元授參撫使有惠政

大平伐司

副長官宋隆豆土人洪武七年委署服本司蠻夷及撫東
苗家誦國公創付擬充試副長官二十年降印開設衙門
于水襲二十六年撥赴龍里衛管轄奉勅合署授副長

官名碑襲

新添衛土司

新添司

宋允高定州人麥新土官宋嘉泰初克服其地改麥新為
新添以子勝守之嘉定中授勝右武大夫沿邊溪洞經略
使元置新添葛蠻安撫司以勝孫捉為巴蠻都總管捉子
朝美為新添葛蠻安撫使傳至宋亦麟洪武四年歸附五
世孫仁貴授承直即世襲本司正長官至七世孫將故絕
嘉靖二十九年次房八世孫略襲洽至繼成

小平代司

正長官宋清貴任元朝雅直等處蠻夷司長官四世孫李
文憑牌面繳訖洪武五年衛司將次房五世孫斌保授承
直即世襲本司正長官七世孫旺故絕正統三年弟昭襲
至九世孫雄弘治九年保送弟宣襲洽至國臣

把平司

正長官蕭員土人將原領印信繳明蒙給榜文一道撫治
本處夷民洪武五年開設把平長官司男成除本司長
官四世孫鎮與弟錦俱絕景泰三年保送二房弟銳襲洽

至良弼

丹行司

正長官羅光蓋任前元丹行等處安撫傳三世孫海洪武二十九年投屬新添衛三十年授本司正長官三十四年革去印信永樂元年仍欵給印五年江西逃民王宗善投海令管党并等處被伊殺占通州宣德三年投屬程番章番司傳七世孫永清故男繼祖年幼將親叔永從護印仍被王通秀殺占西平五十八寨復名通州奮緣冠帶節次申奏未結後繼祖出幼後管至十世孫奇故絕萬曆元年行令三房八世孫繼袖護管奉本衛申詳富管理沿意襲

丹平司

正長官莫要武元都總管傳四世孫谷送洪武十七年隨征有功二十七年將元朝印信送繳蒙欵頒銅印一顆三十四年裁革本司官印永樂元年復舊十三年男辛未襲被苗殺死男讓承襲故絕成化五年二房容襲男思海被賊老包等害孫清年幼將叔思明冠帶權管地方弘治十六年清出幼承襲正德十四年被賊莫等糾兵殺占嘉靖二十六年承恩襲至載均故絕印信無人護管行衛

查勘該承誥謹管沿龍水載綱

平越衛土司

楊義司

副長官金阿金土人洪武十四年歸附十二年功陞副長官二十一年開設本司六世孫釐奏請誥命一道封父洪及釐俱忠顯校尉男符故絕嘉靖二十六年弟承襲故絕三房六世孫鳳承襲因老無子保姪笏襲未任男世忠幼暫令叔篆權管萬曆五年世忠承襲

清平衛土司

凱里司

安撫祖楊端居播州本朝孫友授宣撫隸四川友與弟愛念爭奏勘登蘭中縣冠帶閑住正統三年凱里民保友回司又施秉麻哈楊義偏橋等司題准交男弘冠帶故絕將弟張管理凱里安撫司事改隸貴州沿襲至燧萬曆二十四年燧欲刃其弟炳并屠部中督撫下所司正燧罪